

YF_0138_Merc'hed a Lokenole

Merc'hed a Lokenole a zo merc'hed a stad (2 x)
Ne brizont mont da zansal nemet gant paotred vat (2x)

Merc'hed a Lokenole a ya d'ar baludenn
Diarc'hen, divouchouer, koef ebet war o 'fenn

Merc'hed a Lokenole o deveus prometet
Monet e pelerinaj da Sant-Yann venniget

Ar person a lavare d'ar sul en oferemn bred:
-Diwallit, merc'hed yaouank, gant aon bezan trompet

Diwallit, merc'hed yaouank, gant aon bezan trompet
Gant ar c'habiten Kabon hag e vartoloded

Ar merc'hed a responte, deus a draon an iliz:
-Sarmonit, Aotrou Person, ni a raio hon giz

Ne oa ket peurlavaret, na mat ar gousperou
E oa ar merc'hed yaouank er bourk a Blougasnou

Hag ar c'habiten Kabon hag e vartoloded
A oa ,a oa war al lec'h, vit o degemeret

E-barzh ti Mari Beron ez int bet diskennet
O ya, dre ma oa gante yalc'h ar vartoloded

Hag ar merc'hed a drinke hag a lipe o beg
Hag ar wazed a gane, a gane en galleg

Hag ar wazed a gane a gane en galleg
Hag ar merc'hed a c'hoarze dre ma n'intenent ket "

Nemet un dorte vihan eus ar vourk a Garanteg
Honnezh' oa bet er gouent o teskin ar galleg

Honnezh' oa bet er gouent o teskin ar galleg
Hag a grie mil mallozh war ar vartoloded

-Ma vefemp ni intanvien, gras deoc'h ne vefomp ket
Ni ' deuiio c'hoazh ur wech, ur wech d'ho kwelet

Hag a zegazo deoc'h-c'hwi na pep a chapeled
Ha pep a walenn arc'hant d'ho kameradezed

Kenavo dit'ta Kabon, ya sur pa'maout o vont
Ni'garje a-greiz kalon e vije c'hoazh o tont

Merc'hed a Lokenole a ouele war ar c'hae
Da Gabon ar c'habiten, siwazh, partiet eo

Kabon a zo partiet, partiet da viken
Merc'hed a Lokenole 'zo beuzet en anken.

Cette chanson a été collectée par Yann Poenns, en 1975 à Ploujean, auprès de Mme Féat, originaire de Plouézoc'h, âgée d'environ 75 ans à l'époque . Elle a été complétée à l'aide de la version donnée par Narcisse Quellien dans "Chansons et danses des Bretons" (p. 184)